



გრანი ქავთარია

ნერონი რომის იმპერიის დემონები

კალიგულა რომის იმპერატორის გვირგვინს გარდასახვის ფანტასტიკური უნარის წყალობით დაეუფლა. ბავშვობიდანვე შეშლილად აღიარებულმა, მრავალგზის გაიარა ბეჭვის ხიდზე: დაძლია ჰადესის ჯურლმულები, გზა-კვალი აურია შესაჭმელად მისეულ მტაცებლებს და დაიპყრო იმდროინდელი მსოფლიოს პოლიტიკური ცხოვრების მწვერვალი — რომი. მისმა დისტულმა ნერონმა, რომელიც გაცილებით უფრო ნიჭიერი და განათლებული იყო, იმპერატორის ტახტი დედის, აგრიპინა უმცროსის ბოროტქმედებათა წყალობით მოიპოვა. სასწაულს უნდა მიეწეროს ნერონის წინამორბედი იმპერატორის, კლავდიუსის ბედი, რომელიც იყო კალიგულასა და ნერონის დედის ბიძა. იგი იმპერატორი სრულიად შემთხვევით გახდა, მაგრამ დიდად განსხვავდებოდა, როგორც წინამორბედი, ისე მომდვენო მბრძანებლისაგან.

კლავდიუსი იყო ტიბერიუსის ძმის, დრუზუს უფროსის შვილი, დაიბადა ძვ. წ. 10 წელს. ბუნებისაგან მრავალი სიმახინჯით იყო „დასაჩუქრებული“. ყველა ფიზიკური ნაკლი მასში იყო თავმოყრილი: კოჭლი, ენაბლუ, დაბნეული. ამას ემატებოდა მუდმივი ავადმყოფობა. იმდენად ცუდი გარეგნობისა იყო, რომ საკუთარი დედა ანტონია დაბადებიდანვე ვერ იტანდა დასანახად და საერთოდ არ ნახულობდა. ანტონიას აზრით, მისი შვილი „ბუნებამ დაიწყო და არ დაამთავრა“, ხოლო როცა ვინმეს გაკიცხვა სურდა, ამბობდა, „ჩემს კლავდიუსზე სულელიალ“. ავგუსტუსის მეუღლეს ლივიას შვილიშვილი ეზიზღებოდა და მასთან ურთიერთობას წერილებით, ან მონის მეშვეობით ამყარებდა. კლავდიუსს საქმაო თანაგრძნობით ეპყრობოდა ავგუსტუსი, თუმცა თვლიდა, რომ სახელმწიფოებრივი საქმიანობისთვის მონაცემები არ გააჩნდა.

კლავდიუსი საიმპერატორო კარზე საერთო დაცინვის ობიექტს წარმოადგენდა. თანდაყოლილი დეფექტების გამო უბედური ბავშვობა პქონდა.

დასცინოლნენ იმ დონემდე, რომ ადამიანადაც არ თვლიდნენ. აგდებულად ექცეოდნენ მონებიც. იმდენად უსუსური იყო, ჭამის დროსაც კი ჩაეძინებოდა ხოლმე და მონები ფინიკისა და ზეთისხილის კურკებს ესროდნენ. ჭკუასუსტად მიჩნეულმა, ყველასაგან გარიყულმა და მოძულებულმა, თავშესაფარი მეცნიერებაში ჰპოვა. ამ სფეროში მისი ინტერესები საკმაოდ მრავალფეროვანი იყო. ანტიკური ავტორების მოწმობით, კლავდიუსის ავტორობით რამდენიმე სერიოზული ნაშრომი ყოფილა ცნობილი. მოღწეულია მხოლოდ თხზულებათა სახელწოდებები: ეტრუსკების ისტორია (20 წიგნად), კართაგენის ისტორია (8 წიგნად), ავტობიოგრაფია (8 წიგნად), 41 წიგნი ავგუსტუსის შესახებ, სიტყვა ციცერონის დასაცავად.

კლავდიუსი ცხოვრობდა უჩინრად. ჭკუასუსტის სახელი საიმედო ფარი აღმოჩნდა. იგი გადაურჩა ტიბერიუსისა და კალიგულას სისხლიან ტერორებს. როდესაც შეთქმულებმა კალიგულა მოკლეს, სასახლე პანიკამ მოიცა. არეულობით შეშინებული კლავდიუსიც დაიმალა. პრეტორიანელებმა სასახლე დაარბიეს, ამ დროს ერთ-ერთ გალერეაში თავშეფარებული კლავდიუსი აღმოაჩინეს. იგი მუხლებში ჩაუვარდა ჯარისკაცებს ვედრებით, რომ ბრალი არაფერში მიუძღვდა. ამ დროს მოხდა საოცრება. პრეტორიანელები მას მიესალმნენ, როგორც იმპერატორს, დანარჩენ თანამებრძოლებს წარუდგინეს და მთავარ ბანაკში გადაიყვანეს. მეორე დღეს (41 წლის 25 იანვარს) კლავდიუსი პრეტორიანულმა გვარდიამ იმპერატორად გამოაცხადა. კალიგულას ძალმომრეობით გატეხილმა სენატმა წინააღმდეგობის გაწევა ვერ გაძედა და დათანხმდა.

„ჭკუასუსტი“ კლავდიუსის ამაღლებას არავინ არ მოელოდა. უახლოესი ნათესავებიც კი გაოგნებულები დარჩნენ. მისმა დამ ლიგიამ, როცა გაიგო, რომ იგი იმპერატორად აირჩიეს, ყველას გასაგონად წყველა-კრულვით მოიხსენია რომაელთა უბედურება და უდირსობა.

კლავდიუსს აღმინისტრაციულსა და სამხედრო საქმეებში არც ცოდნა ჰქონდა და არც გამოცდილება. იმპერატორ ტიბერიუსს თავისი ძმისწული იმდენად არასრულფასოვნად მიაჩნდა, რომ უბრალო დავალების მიცემის ღირსადაც არ თვლიდა. კალიგულამ მოწყალება გამოიჩინა და კონსულად დანიშნა, მაგრამ, როგორც აღნიშნავენ, უფრო გართობის მიზნით.

ათვალწუნებისა და დაცინვის ობიექტმა, მუდამ ჩრდილში მდგომა კლავდიუსმა სახელმწიფოს მართვა-გამგეობის საკმაოდ გონივრული უნარი გამოავლინა. მისი პირველი ნაბიჯები იყო დამაჯერებელი და პუმანური. კალიგულას მკვლელობასთან დაკავშირებით გამოაცხადა ამნისტია, დაასჯევინა მხოლოდ ორი ტრიბუნი, იმისათვის, რომ მოკლეს იმპერატორის მეუღლე და მცირებულოვანი ბავშვი.

კლავდიუსმა უკიდურესად მძიმე მემკვიდრეობა მიიღო. კალიგულას სახელმწიფო მართვის აპარატი ერთი კაცის ნება-სურვილზე ჰქონდა აგებ-

ული. რომაელთა აზრით, „უუნარო“ იმპერატორმა არსებითი ცვლილებები შეიტანა მოშლილი სისტემის აღდგენაში და ახალი ტიპის ბიუროკრატიული აპარატი შექმნა.

კლავდიუსის დროს რომის სენატი აგრძელებდა თავის საქმიანობას. მის არისტოკრატიულ შემადგენლობას რესპუბლიკის აღდგენის იდეა ამოძრავებდა. მაგრამ გაბატონებულ წოდებას ნაკლები კომპეტენტურობა და მომხვეჭელობის გაძლიერებული სურვილი ჰქონდა. კლავდიუსმა მმართველობის ეს ფორმა შეცვალა. მან ბიუროკრატიულ აპარატში დაასაქმა პროფესიონალი ლიბერტინები (გათავისუფლებული მონები ან ყოფილ მონათა შვილები), რომლებიც რომის სრული მოქალაქეობის უფლებებითაც კი არ სარგებლობდნენ. ისინი იყვნენ საკუთარი ნიჭით დაწინაურებული ადამიანები, რომლებიც შესანიშნავად ერკვეოდნენ იმპერიის ცალკეულ უწყებათა მუშაობაში. ლიბერტინების როლი ავგუსტუსის ეპოქიდან იგრძნობოდა, მაგრამ კლავდიუსის მმართველობაში გადამწყვეტი როლი დაეკისრათ (კლავდიუსთან დაახლოებული ლიბერტინები იყვნენ: ნარცისი, პალანტი, პალადიონისა და პოლიბიონის).

კლავდიუსის როლი განისაზღვრუბოდა იმით, რომ კვალიფიციური ადამიანების მუშაობაში არ (თუ ვერ) ერეოდა. ქვეყნის წინაშე მდგარი პრობლემებისაგან იგი საკმაოდ შორს იდგა. კორნელიუს ტაციტუსი კლავდიუსის შესახებ წერდა, ის იყო პრინცეპსი, რომელსაც საკუთარი არც კარგი, არც მტრული აზრი არ ჰქონდა. მოქმედებდა ჩაგონებებითა და რჩევებით. სვეტონიუსი უფრო აკონკრეტებს: ყველა მნიშვნელოვანი საქმე წარიმართებოდა მისი ცოლებისა და ლიბერტინების მიერ.

კლავდიუსის პრინციპატი წარმოადგენდა ლიბერტინთა მმართველობის ტრიუმფს. მათმა შეთანხმებულმა საქმიანობამ განაპირობა იმპერიის სტაბილიზაცია. ამ სისტემის უპირატესობა იყო ის, რომ არცერთ ლიბერტინის (ნარცისაც კი) აზრად არ მოსულია კლავდიუსის აღვილის დაკავება.

უავტორიტეტო, სხვათა რჩევებზე დამოკიდებული, მაგრამ განათლებული კლავდიუსი, შესანიშნავად გრძნობდა, სახელმწიფო მოღვაწის სახელის მოსაპოვებლად საჭირო იყო საგარეო პოლიტიკის გააქტიურება. მისი მოწოდებით გამოცდილი რომაელი სარდლები წარმატებით ლაშქრობდნენ ბრიტანეთსა და გერმანიაში. დამაგვირგვინებელ გამარჯვებაში სიმბოლურად ფიგურირებდა კლავდიუსის სახელი.

კლავდიუსის ინიციატივით მავრიტანია შევიდა რომის იმპერიის შემადგენლობაში. რომაელი ადმინისტრაციული სისტემა დამყარდა თრაკიაში. გამოცოცხლება დაეტყო რომის პოლიტიკასაც აღმოსავლეთში. ბოსფორის ტახტზე დაამტკიცეს რომის ვასალი კოტისი. ურთიერთობა პართიასთან კვლავ დაძაბული რჩებოდა. მისი თანხმობით საპყრობილიდან გაათავისუფლეს იბერიის მეფის ფარსმანის ძმა მითრიდატე და დააბრუნეს სომხეთის

ტახტზე (მითრიდატე კალიგულას განუკითხაობის დროს ომში დაიბარეს და ციხეში ჩასვეს), რათა პართიასთან ომში საიმედო მოკავშირე ჰყოლოდა.

საგარეო პოლიტიკის ხაზით, კლავდიუსი ნიჭიერ მრჩეველებსა და სარდლებს პიროვნული მონაცემების გამოვლენის საშუალებას აძლევდა. თითქოს შეზღუდული პიროვნება იყო, მაგრამ მოსახლეობის ფართო ფენების მოთხოვნებს გულისყურით ეკიდებოდა. გამოსცა სპეციალური ედიქტი, რომლის ძალითაც მოხუცმა და აყადმყოფმა მონებმა თავისუფლება მიიღეს. ზრუნავდა პლებეების ეკონომიკურ მდგომარეობაზე. უფასო პურისა და სანახაობის გარდა, რომაელებს სამსახური იმითაც გაუწია, რომ გაიყანა წყალსადენები, რეკონსტრუქცია ჩაუტარა ოსტიის ნავსადგურს და რეგულარულად ამარავებდა რომს ხორბლით.

ლიბერტინების გაფლენა კლავდიუსზე იმდენად დიდი იყო, რომ ისინი მის პირად ცხოვრებაშიც აქტიურად ერეოდნენ. ამ მხრივ საინტერესოდ განვითარდა მოვლენები იმპერატორის მესამე ცოლთან დაკავშირებით. კლავდიუსის მეუღლე ვალერია მესალინა რომში ცნობილი აღვირახსნილი ყოფა-ცეკვის ქალი იყო, გარს ქვია საყვარლების მოზრდილი რაზმი. მრავალთა შორის ჰყავდა გამორჩეული ახალგაზრდა, სილიუსი. მათი ურთიერთობა იქამდე მივიღა, რომ იმპერატორის მეუღლე პარალელურად დაქორწინდა სილიუსზე. წყაროების მოწმობით, მესალინა გეგმავდა კლავდიუსის ჩამოგდებას და ტახტზე სილიუსის დასმას. თუ მოვლენები შეთქმულთა გეგმით განვითარდებოდა, ლიბერტინები, რომლებიც ქვეშნას ფაქტობრივი გამგებლები იყვნენ, გაურკვეველ სიტუაციაში აღმოჩნდებოდნენ. ამიტომ მათ უნდა ეზრუნათ იმპერატორის პრესტიჟისა და საკუთარი თავის გადასარჩენად. ლიბერტინებმა საკითხი გაროულების გარეშე გადაწყვიტეს. პრეტორიანული გვარდიის პრეფექტმა ნარცისმა ვალერია მესალინა და მისი საყვარელი სილიუსი შეიძყრო და უზნეო საქციელისათვის სიკვდილით დასაჯა. კლავდიუსმა მხოლოდ შედეგი გაიგო.

იმპერატორს შელახული ღირსება რომ დაუბრუნეს, ლიბერტინებს ახალი პრობლემა გაუჩნდათ, თუ ვისზე დაექორწინებინათ იგი. კონკურენტი მრავლად იყო, მაგრამ გაიმარჯვა ლიბერტინ პალანტის კანდიდატურამ. კლავდიუსის მეოთხე ცოლი გახდა მისი ძმის გერმანიკუსის ასული აგრიპინა უმცროსი, რომელიც მესალინასაგან ბევრით არ განსხვავდებოდა.

49 წელს 34 წლის აგრიპინა დაქორწინდა 59 წლის კლავდიუსზე.

მესალინას პოლიტიკა საერთოდ არ აინტერესებდა, აგრიპინა ამბიციური ქალი იყო. იგი მონდომებით შეუდგა კლავდიუსის თანამშართველის ადგილის დაკავებას და მოკლე ხანში საიმპერატორო კარი თავისი ჩანაფიქრის მიხედვით დაალაგა. სუსტი ნებისყოფის კლავდიუსი მორჩილად ასრულებდა მეუღლის ყველა სურვილს. 50 წელს კლავდიუსმა აგრიპინას შვილი ნერონი შვილად აიყვანა, ამავე დროს იგი დაინიშნა იმ-

პერატორის ასულზე, ოქტავიაზე. კლავდიუსის ძემ ბრიტანიკუსმა, რომელიც ნერონზე სამი წლით უმცროსი იყო, კულისებში გადაინაცვლა. ნერონს გარანტირებული ჰქონდა პრინცეპსის კვერთხი. საჭირო იყო პროცესის დაჩქარება. კლავდიუსი აგრიპინას წინააღმდეგობას ვერ უწევდა, მაგრამ მისი სახით ბარიერს მაინც გრძნობდა. ეს ბარიერიც აგრიპინამ ჩვეული მოხერხებულობით გადალახა. მან მოისყიდა იმპერატორის მზარეული, რომელმაც კლავდიუსს მოწამლული საჭმელი (სოკო) მიართვა. 54 წელს იმპერატორი გარდაიცვალა. „მგლოვიარე“ აგრიპინამ მუზღლის სახლის უკვდავსაყოფად არაფერი დაიშურა, დიდი პატივით დაკრძალა და ღმერთად გამოაცხადა.

54 წელს 17 წლის ნერონი რომის იმპერატორი გახდა.

ლუციუს დომიციუს აგენტობარბი — იმპერატორი ნერონი კლავდიუს ცეზარ ავგუსტუს გერმანიკუსი დაიბადა 37 წელს. იმავე წელს მოკლეს ტიბერიუსი და იმპერატორის ტახტი დაიკავა მისმა ბიძამ, აგრიპინას უმცროსმა მმაბ, კალიგულამ. ნერონი ორი წლისა იყო, როცა მამა გარდაეცვალა. კალიგულამ აგრიპინას შეთქმულებაში მონაწილეობა დააბრალა და გადაასახლა. მცირქნლოვანი დარჩა უდედმამოდ, კალიგულამ მემკვიდრეობაც ჩამოართვა, მასზე შერუნველობა იკისრა მამიდამ. აგრიპინა გადაასახლებიდან კალიგულას სიკვდილის შემდეგ დაბრუნდა. აგრიპინა უმცროსი, ბოროტი და ამორალური ქალი, მარკუს ანტონიუსის შვილიშვილი იყო. მამა, გნეუს დომიციუს აგენტობარბი, სკეტონიუსის დახასიათებით, უსაზიზლრეს პიროვნებას წარმოადგენდა. გადმოცემის თანახმად, როდესაც დომიციუს აგენტობარბს მეგობრებმა შვილის (ნერონის) დაბადება მიულოცეს, წამოიძახა, რომ მისგან და აგრიპინასაგან არ შეიძლებოდა უბედურებისა და საშინელების გარდა რამე დაბადებულიყო (მამის წინასწარმეტყველება გამართლდა). კორნელიუს ტაციტუსთან დაცულია ასეთი ლეგენდა, ერთხელ აგრიპინამ წინასწარმეტყველს მიმართ შვილის ბედის გასაგებად. წინასწარმეტყველმა გააფრთხილა, მისი შვილი გამეფდება, ოღონდ საკუთარი დედის მოკლვის შემდეგ. აგრიპინას უპასუხნია: „დე მოკლას, ოღონდ გამეფდეს“.

აგრიპინა ნერონს მკაცრად ზრდიდა. ცდილობდა, რომ მას საფუძვლიანი განათლება მიეღო. ამ მიზნით მიწვეული ჰყავდა პირველხარისხოვანი მასწავლებლები. ადრეულ ასაკში წრთვნიდნენ ანიკეტი და ბერილი (ყოველგვარი ავკაცობის ჩამდენი ლიბერტინები). მომავალი იმპერატორის განსწავლაზე დიდი გავლენა მოახდინა ვეკიპტელმა ქურუმმა ზერემონმა, მაგრამ დამაგვირგვინებელი საფეხური დაკავშირებულია სახელოვანი ფილოსოფოსის, პოეტის, დრამატურგის და ორატორის ლუციუს ანეუს სენეკას სახელთან.

ნერონი ახალგაზრდობიდანვე ფართო ინტერესებით გამოირჩეოდა.

კარგად იცნობდა ისტორიას, ლიტერატურას, ხელობნებას, ფილოსოფიას, სერიოზულ ცოდნას ამჟღავნებდა არქიტექტურაში, პოპულარიზაციას უწევდა ყოველივე ბერძნულს, სასახლე მორთული პქონდა ევრიპიდეს ტრაგედიების პერსონაჟებით და მითოლოგიური სცენებით. დიდი მონდომებით ეუფლებოდა მუსიკალურ ინსტრუმენტებს, და რაც მთავარია, თვლიდა, რომ იყო შეუდარებელი მსახიობი და მოძღვრალი. პქონდა შესანიშნავი მეხსიერება და სწრაფად შეთვისების უნარი, წერდა ლექსებს, ტრაგედიებს. ჩამოთვლილი ღირსებებიდან გამომდინარე, იმპერიის ბოროტ სულად მიჩნეული ხერონი, განათლებული და შემოქმედი პიროვნება იყო. ამავე დროს გამოჰყოფებ თანდაყოლილ ნაკლსაც: არ გააჩნდა მოთმინებისა და თავშეკავების უნარი. ახალგაზრდობიდანვე ცდილობდა რეალობის თეატრალიზებას. ასეთი ინტელექტუალი კერძო პირად რომ დარჩენილიყო, განათლებული კაცის სახელით დაასრულებდა წუთისოფელს, მაგრამ ბედმა (თუ უბედობამ), ძალაუფლების აბსოლუტურმა პყრობამ განძარცვა ადამიანურობისაგან და ჩამოაყალიბა სისხლიან და კაციჭამია ურჩხულად.

ხერონის მმართველობის დასაწყისში აგრიპინა ძალაუფლების მწვერვალზე იმყოფებოდა. თითქმის ყველა მნიშვნელოვან საკითხს ერთპიროვნულად განაგებდა. ხლართავდა ათასგვარ ინტრიგას და ცდილობდა რომიდან გაეძევებინა მისთვის არასასურველი პირები. კლავდიუსის ადვილად ჩამოშორებამ იგი მეტისმეტად გაათამამა და უძლეველობის ილუზია შეუქმნა. სენეკა და პრეტორიანული გვარდიის პრეფექტი ერინააღმდეგებოლნენ მის თვითნებობას, მაგრამ შედეგი იყო უმნიშვნელო, ბოროტება გზას არ თმობდა. აგრიპინა ხერონის ყოველ ნაბიჯს აკონტროლებდა, შვილზე გავლენის შესანარჩუნებლად ყოველგვარ სისაძაგლეს და უზნეობას სჩადიოდა, ვერ ურიგდებოდა სისხლით მოპოვებული პირველი ქალის სტატუსის დაკარგვას (ზნეობრივი დაცემულობის უკიდურეს გამოხატულებას წარმოადგენდა შვილთან სექსუალური კავშირის დამყარება). ნერონი დამოუკიდებელი მოქმედების გზებს ეძებდა, მისთვის მიუღებელი იყო სახელმწიფო საქმეებში დედის აქტიური ჩარევა. ასაკის მომატებასთან ერთად, ნერონი კარგადა წონასწორობას და არაორიგინალური ხდებოდა. ბოროტი აგრიპინა შვილს აფრთხილებდა, თუ გონივრულად არ მოიკცეოდა, იმპერატორის ტახტს ჰყავდა კანონიერი მეგვიდრე. დედის მუქარამ ნერონი შეაშინა, რასაც 14 წლის ბრიტანი კუსის სიკვდილი მოჰყვა. ამ ფაქტით დაიწყო ნერონის სისხლიანი და განუკითხავი ტერორი. რომის იმპერია კალიგულას ეპოქას უბრუნდებოდა.

დედასა და შვილს შორის ურთიერთობა უკიდურესად იძაბებოდა. ნერონის გარემოცვას კარგად ესმოდა, რაოდენ დაუნდობელი და შურისმაძიებელი იყო აგრიპინა. ამიტომ ფარული თუ პირდაპირი დაპირისპირება უნდა დამთავრებულიყო. კორნელიუს ტაციტუსის სიტყვებით, აგრიპინას

განაჩენი გამოუტანეს. საწამლავი თავიდანვე გამორიცხეს, რადგან მსახურთა მოსყიდვა რისკთან იყო დაკაეშირებული. ამავე დროს ცნობილი იყო ისიც, რომ აგრიპინა სისტემატურად ღებულობდა შხამს იმუნიტეტის გამოსამუშავებლად. მკვლელის მიგზავნაც არ იყო საიმედო. ჩაგარდნის შემთხვევაში მოხდებოლა განზრახვის გახმაურება. ბოლოს აგრიპინას მოკვდინების ორიგინალური გეგმა წარმოადგინა დახელოვნებულმა მკვლელმა ანიკეტმა. გეგმის თანახმად, უნდა მოქმედოთ გემი ისე, რომ ზღვაში გასლვისთანვე დაშლილიყო და ჩაძირულიყო. ნერონი გაითამაშებდა მოსიყვარულე შეილის როლს. უბედურება დაბრალდებოლა ზღვის ტალღებს. საეციალურად გამზადებული გემი მართლაც ჩაიძირა, მაგრამ ყველასათვის მოულოდნელად აგრიპინამ ცურვით მიაღწია ნაპირს და გადარჩა. შეიქმნა კრიტიკული სიტუაცია. ნერონი და მისი თანაშრანებები საგონებელში ჩაგარდნენ. სენეკამ მიმართა პრეტორიანული გვარდიის პრეფექტს ბურს, გაეცა ბრძანება, რომ მოეკლათ აგრიპინა. ბურმა ბრძანების გაცემაზე უარი განაცხადა. მან წამოაყენა წინადაღება, რომ დანაპირები ანიკეტს შეესრულებინა. ანიკეტიც ამას ელოდა. იგი შეიარაღებული რაზმით შეიჭრა აგრიპინას ვილაში და მისი ბინადარი მახვილით მოკლა. ნერონის გუნდმა ჩადენილი დანაშაული შესაფერისი სიყალით გაამართლა. სასწრაფოდ შეადგინეს ღოკუმენტი, რომელშიც ხაზგასმული იყო, თითქოს აგრიპინამ მოინდომა გადატრიალების მოწყობა, მაგრამ დამარცხდა და სიცოცხლე თვითმკვლელობით დაამთავრა. კორნელიუს ტაციტუსის თანახმად, სიყალბის ავტორი იყო ლუციუს ანეუს სენეკა.

59 წელს რომის უარყოფით ქალთა შორისაც გამორჩეულ ფიგურას სიცოცხლე წაართვა მისივე შხამით გამოზრდილმა ურჩხულმა. დიდი ბოროტების მატარებელი იყო აგრიპინა, მაგრამ მისი არსებობა გარკვეულ წონასწორობას იცავდა. 59 წლიდან ნერონი ყოველგვარი კონტროლიდან გაჟიდა და მყარად დაიმკიდრა ადამიანთა მოღმის შეუზღუდავი მტარვალის სახელი.

განათლებული, არტისტული ბუნების, კარგი გარეგნობის ნერონისაგან თანდათან გამოიკვეთა მხეცი, რომელსაც სიამოწინებას გვრიდა ადამიანების წამება. ძალაუფლებით ტებობამ განაპირობა მისი გაორუბა. გარეგნულად გამბედავი, შინაგანად მშიშარა იყო. ყოველ ნაბიჯზე შეთქმულება ელანდებოდა. შიში ზრდიდა დაუნდობლობას. შეუბრალებლობის გამოსაწრთობად უყვარდა დამით ქუჩებში ხეტიალი. დადიოდა გადაცმული, პარიკით. ცემდა გამელელებს. უწმაწური სიტყვებით მიმართავდა ყველა შემხვედრს, მნიშვნელობა არ ჰქონდა, ქალი იყო თუ კაცი. აწყობდა სკანდალურ სცენებს, იწვევდა არეულობებს. მისი სახით რომის ქუჩებში დადიოდა დაუნდობლობითა და ბოროტებით შეპყრობილი მანიაკი. არაადამიანური სისასტიკე გამოავლინა იულიუს-კლავდიუსების ნათესავთა მიმართ. მის რისხვას არა

მარტო ახლო, არამედ შორეული ნათესავებიც შექმნირნენ.

შეუზღუდავმა ძალაუფლებამ ნერონი ზეადამინად აქცია, რომელსაც გამოაცალა ყოველივე ადამიანური და დაუტოვა მხოლოდ ცხოველური ინსტიქტები. ძალაუფლებამ დაუმანიჯა ფსიქიკა და სიჭაბუკეში გარკვეულწილად სიმპათიური ახალგაზრდა გადააქცია სულიერად დაავადებულ და ბოროტების მოქსელ არსებად. რომში საპატიო ადგილი დაიკავეს მლიქვნელებმა და დამსმენებმა. ვრცელი იყო სიკვდილით დასასჯელთა სია. ნერონის მრუდე სამართალს ბევრი უდანაშაულო, ღირსეული პიროვნება შექმნირა. არასასურველ პირთა გადასახლება და იქ გაურკვეველ ვითარებაში დაღუპვა ჩვეულებრივი მოვლენა გახდა. მსტოვართა თარეშმა რომში ცხოვრება ნამდვილ ჯოჯოხეთს დაამსგავსა.

ნერონს საქვეყნო საქმეები არ აინტერესებდა, რომი თვითდინებით მიემართებოდა. სახელმწიფოს მთავარ პოლიტიკას წარმოადგენდა ერთი კაცის ზღვარგადასული სურვილების დაკმაყოფილება, ეს პოლიტიკა კი, საკმაოდ შორს იდგა გონიერი ადამიანის სურვილებისაგან. როგორც ზეადამიანი, თავს აყენებდა სახელმწიფოზე, კანონებზე, ტრადიციებზე მაღლა.

სახელმწიფო პრობლემებისაგან შორს მდგომი ნერონი, თავის ძირითად მოწოდებად სასცენო არქნას თვლიდა, მიაჩნდა, რომ ამ სფეროში იგი შეუდარებელი იყო. იმპერატორი არტისტი, მომღერალი, კითარისტი, ენერგიას არ ზოგავდა მსმენელების გასაოცებლად. უდიდეს სიამოვნებას ანიჭებდა აღფრთოვანებულ მაყურებელთა ტაში. ამ მიზნით, ტაშის დაკვრაში კარგად გავარჯიშებელი ერთი ლეგიონი (ხუთი ათასი) მუდმივად თან დაჰყვებოდა და მის ნებისმიერ გამოსვლას ხანგრძლივი ოვაციებით აჯილდოვებდა. ნერონი მოხიბლეული იყო ბერძენი კითარისტისა და მომღერლის ტერპნის ხელოვნებით. მისი ხელმძღვანელობით საკმაოდ მაღალი დონის სკოლა გაიარა და ისე დაამუშავა ხმა, ტოლს არ უდებდა პროფესიონალ მომღერლებს.

ნერონი არ ითვალისწინებდა იმ რეალობას, რომ რომში სიმღერა და ბერძნული თეატრალური წარმოდგენები პოპულარობით არ სარგებლობდა. რომაელები იმპერატორის სასცენო გატაცებებს ნაძალადვით ოვაციებით ხვდებოდნენ. ნერონი, არტისტი და მომღერალი, ფრთებს ბერძნების გარემოცვაში შელიდა. მისი აზრით, ისინი იყვნენ ჭეშმარიტი ხელოვნების დამზადებლები. ამის გამო რომშე უფრო უყვარდა ელინური ქალაქი ნეაპოლი.

სიმღერასა და ტრაგიკული როლების გარდა დიდი იყო ნერონის პოეტური ამბიციებიც. წერდა ლექსებს, სიმღერების ტექსტებსაც თვითონვე თხზავდა. დაუწერია პოემა ტროას ომის შესახებ (პოემა სატირიკოსი პოეტის იუვენალის დაცინვას იწვევდა). ტაციტუსს თუ ვენდობით, ნერონი, როგორც პოეტი, უფრო გრაფომანს ჰგავდა. მისი გადმოცემით ნერონს შემოკრებილი ჰყავდა უცნობ მელექსეთა გუნდი, რომლებიც მასთან ერ-

თად თხზავდნენ, ან შეპქონდათ შესწორებები დაწერილში. ეს კარგად ჩანს შინაარსიდან, თხზულებებში არ არის არც აღტაცება, არც შთაგონება, არც პოეტურობა. ნერონის ლიტერატურულ გატაცებებზე საწინააღმდეგო მოსაზრებისაა სვეტონიუსი. მისი სიტყვებით, ნერონი ლექსებს წერდა არა გართობის მიზნით, არამედ ეს იყო მისი მოთხოვნილება.

ნერონის ცხოვრებაში თეატრის შემდეგ ადგილი ეკავათ ქალებს. პირველი მეუღლე იმპერატორ კლავდიუსის ასული ოქტავია, როგორც ქალი, ნერონს საერთოდ არ იზიდავდა. იმავე პერიოდში იგი გაიტაცა მცირეაზიელმა ლიბერტინმა აკტემ. ნერონის ურთიერთობა აკტესთან, აგრიპინას დიდ უკმაყოფილებას იწვევდა. 58 წლიდან მისი ტრფობის საგანი გახდა პოპეია საბინა, რომელმაც აიძულა კავშირი გაწყვიტა წარსულთან (იგულისხმება, როგორც აკტე, ისე აგრიპინა). პოპეია საბინა იყო ლამაზი, გარევნილი, სასტიკი, ორპირი. კორნელიუს ტაციტუსი წერს, „პოპეიას ჰქონდა ყველაფერი, სუფთა სულის გარდა“. ვიდრე ნერონს შეხვდებოდა, პოპეიას ორი ქმარი ჰყავდა. მისი მეორე ქმარი იყო ნერონის მეგობარი და მისი თავაშვებული ცხოვრების მონაწილე მარკუს ტომონი, რომელსაც, პლუტარქეს სიტყვებით, ნერონზე სუფთად არ უცხოვრია (მოგვიანებით, 69 წლის იანვარ-აპრილში მარკუს ოტონი იმპერატორიც იყო). ნერონმა გაცნობისთანავე პოპეია ცოლად შეირთო, ხოლო მისი მეუღლე სამუშაოდ ესპანეთში გაამწესა. პოპეია საბინა ბუნებით ზუსტად ნერონის შესაფერისი იყო. მან დიდი გავლენა მოიპოვა იმპერატორზე. მითითულია, რომ იგი იყო აგრიპინას მკვლელობის ერთ-ერთი ინიციატორი. პოპეიას მოთხოვნით, ნერონმა სიკვდილი გადაუწყვიტა ოქტავიას, რომელიც ხალხში დიდი პოპულარობით სარგებლობდა. ჩადგინდი ბოროტებანი არც პოპეიას შერჩა. 65 წელს სიბრაზით გონებადაკარგულმა ნერონმა იგი ცემით მოკლა. იმავე წელს იმპერატორმა ცოლად შეირთო სტატილია მესალინა. დასახელებულთა გარდა ნერონს გარს ქვია ამორალურ ქალთა საკმაოდ მოზრდილი გუნდი, მაგრამ მისი გადაგვარებული ბუნება ვლინდებოდა კაცებთან ურთიერთობაშიც. წყაროებს დაცული აქვთ მისი რამდენიმე მიჯნურის სახელი (დორიფორი, პითაგორი). განსაკუთრებით გამოჰყოფენ სპორს. სიბილას კულტის მსახური სპორი კასტრირებული იყო, იგი განუკრებად თან ახლდა იმპერატორს. სპორი ნერონის გვერდით იყო სიცოცხლის უკანასკნელ წუთებშიც.

ნერონს შეთქმულების შიში მოსვენებას არ აძლევდა. პრეტორიანული გვარდია თავის სიმაღლეზე იდგა და იმპერატორის ბოროტ ქმედებებს საიმედოდ დარაჯობდა. 62 წელს გარდაიცვალა აფრანიუს ბური. ნერონმა მის ადგილზე დანიშნა სოფონიუს ტიგელინი, ბნელი წარმომავლობის პიროვნება. ტიგელინის შესახებ ტაციტუსი წერს, ახალგაზრდობა მან გაატარა სიბინძურეში, ხოლო მოხუცებულობა უსირცხვილობაში. არ

არსებობდა ბოროტება, ტიგელინს რომ არ ჩაედინა. მან იმპერატორის მოწინება დაიმსახურა ოქტავიას სამარცხვინო პროცესის დროს, როდე-საც წესიერ ქალს მრუშობა დასწამა და სასამართლოში ცრუ მოწმებიც მიიყვანა. შეთქმულების მანით შეპყრობილი ნერონი მხოლოდ პრეტორი-ანული გვარდიის პრეფექტს ენდობოდა. ტიგელინიც ნდობას დიდი ერთ-გულებით პასუხობდა, რომში პოლიციური რეჟიმი დაამყარა. ასპარეზი გაუფართოვა დამსმენებს, ადგენდა დასასჯელ მოქალაქეთა სიებს. სიფრთხი-ილე იქამდე მივიდა, რომ თუატრში ნერონის გამოსვლისას მაყურებელთა გამომეტყველებასაც კი აკვირდებოდნენ და ვინც საეჭვოდ მოეწვენებოდათ, აპატიძებდნენ.

ნერონის დატრიალებულ სიკვდილის კალოთა შორის უნდა გამოიყოს ხანძარი რომში და მასთან დაკავშირებული არაადამიანური სისასტიკე. 64 წლის 18-19 ივლისის ღამეს „მარადიულ ქალაქში“ გაჩნდა ხანძარი, რო-მელიც ცხრა დღე გაგრძელდა. იმდორინდელი რომი ძირითადად ხის შენო-ბებისაგან შედგებოდა, ამიტომ ცეცხლი სწრაფად გავრცელდა და ქალაქის დიდი ნაწილი ფერფლად აქცია. ნერონი რომში არ იმყოფებოდა და როცა გაიგო მომხდარი უბედურება, მაშინვე დაბრუნდა და სამაშველო საქმი-ანობაში ჩაერთო. წყაროების გადმოცემით, იმპერატორმა მნიშვნელოვანი დახმარება გაუწია დაზარალებულებს. ამის მიუხედავად, ქალაქში საკმაოდ სერიოზულად საუბრობდნენ იმის შესახებ, რომ ხანძარი მისი მითითებით გააჩინეს, რადგან ნერონს არ მოსწონდა რომი და სურდა მის ნაცვლად ახალი ქალაქის აგება, რომელსაც დაერქმეოდა ნერონოპოლისი. ხანძრის ხელოვნურად გაჩენამ ისეთი რეზონანსი შეიძინა, რომ ნერონი იძულებული გახდა, მასზე სერიოზული რეაგირება მოქნდინა, რომ თავისი უდანაშაუ-ლობა დაემტკიცებინა, აღმოჩენა დამნაშავეები და დაესაჯა. დამნაშავეთა გამოვლენა გაფანტავდა ხალხში გავრცელებულ ხმებს. ნერონსა და მის მსტორებს ადამიანთა ნებისმიერი ჯგუფის დაღანაშაულება შეეძლოთ, მა-გრამ არჩევანი შეაჩერეს რომში მცხოვრებ ყველაზე დაუცველ კატეგორი-აზე. ასეთ დაუცველ კატეგორიად იმპერატორმა მიიჩნია პირველი ქრის-ტიანები. ნერონის თანამედროვე ისტორიკოსი კორნელიუს ტაციტუსი (დაიბადა 55 წელს) წერს, „ნერონმა, რომ გაეფანტა ხმები, მოძებნა დამნა-შავენი და სიკვდილით დასჯა გადაუწყვიტა, რომლებიც თავიანთი სისაძა-გლით საყოველთაო სიძულვილს იწვევდნენ და ბრძო მათ ქრისტიანებს უწოდებდა. ქრისტე, რომლის სახელისაგან წარმოდგება ეს სახელწოდება, სიკვდილით დასაჯა ტიბერიუსის დროს პონტიუს პილატემ. დროებით ჩამცხრალმა ამ ბოროტმა ცრურწმენამ გამოაღწია... რომშიც... სადაც ყოველი მხრიდან მოედინება ყოველგვარი საზიზღრობა... და აქ პოულობს მიმდევრებს. ამრიგად თავდაპირველად შეიპყრეს ისინი, ვინც ღიად აღი-არებდა ამ სექტის წევრობას, ხოლო შემდეგ მათი ჩვენებით... მხილებულნი

არა იმდენად ცეცხლის წაკიდებაში, რამდენადაც სიძულვილში ადამიანთა მოდგმისადმი დაადანაშაულეს. მათ დასჯას თან ახლდა აბუჩად აგდება, ვინაიდან მოსავლენებ ველურ ცხოველთა ტყავში, რათა ისინი სასტიკად დაეგლიჯათ ძაღლებს, აკრავდნენ ჯვრებზე, ან განწირულებს დამის სიბ-ნელის განათებისათვის ცეცხლში წვავდნენ, ამ სანახაობისათვის ნერონმა თავისი ბაღები გადასცა. ოუმცა ქრისტიანები დამნაშავენი იყვნენ და ისინი იმსახურებდნენ უმკაცრეს სასჯელს, ეს სისასტიკე აღმრავდა სიბრალულს მათ მიმართ, ვინაიდან ჩანდა, რომ მათ ანადგურებდნენ არა საზოგადოებრივი სარგებლობის ნიშნით“ (კორნელიუს ტაციტუსი, ანალები, XV, 44).

ანტიკურ მწერლობაში ამაზე ტრაგიკულად აღწერილი ეპიზოდი არ არსებობს (არც სხვა ეპოქებშია მსგავსი ხოცვა-ჟლეტა დაფიქსირებული). ეს არის მხეცადქცეული ადამიანის სიძულვილის ამონთხევა. ღამის სიბნელის განათება ცეცხლმოკიდებული ადამიანებით, არც ერთ ბოროტ სულს, ნერონამდე აზრად არ მოსვლია. ტაციტუსის ცნობების სანდოობა ეჭვს არ იწვევს, რადგან იგი წერდა არა შორეულ წარსულზე, არამედ მის თანამედროვე ამბებზე. პირველი ქრისტიანების დახასიათებაში ტაციტუსი გამოკვეთილად ტენდენციურია, საზრდოობს იმ უარყოფითი ეპიოტებით, რაც გავრცელებული იყო ანტიქრისტიანულ ლიტერატურაში. არსებობს ვარაუდი, თითქოს „ანალებში“ აღწერილი ფაქტები პირველი ქრისტიანების დევნისა და განადგურების შესახებ არის გვიანი პერიოდის ჩანამატი და სინამდვილეს არ შესაბამება. თუ ამგვარ ვარაუდს დავუშვებთ, მაშინ ქრისტიანი მწერალი უნდა გამოირიცხოს, რადგან ქრისტიანი მწერალი თავისი რწმენის ადამიანებს ტაციტუსის ლექსიკონით არ მოიხსენიებდა.

ნერონი იყო პირველი ქრისტიანების პირველი დიდი მტერი, რომელმაც რომი მოწამეთა სისხლით მორწყულ ქალაქად აქცია (ტრადიციით, მოციქულები პეტრე და პავლე, რომში ნერონის დროს აწამეს).

გადამწვარი რომის ადგილას დაიწყო ახალი მშენებლობანი. ნერონისადმი კრიტიკული დამოკიდებულების მიუხედავად, ანტიკური ავტორები იმპერატორის ხუროთმოძღვრულ ჩანაფიქრს აღტაცებით მოიხსენიებენ. ეპოქის მოთხოვნების შესაბამისად დაგეგმარებული ქუჩები და შენობები, სრულიად განსხვავებულ იერს აძლევდნენ მსოფლიოს დედაქალაქს. ახალი განაშენიანების მთავარი ნაგებობა უნდა გამხდარიყო იმპერტორის სასახლე (რომლის არქიტექტორიც ნერონი იყო). გარეგნულ სილამაზესთან ერთად, საერთო მოწონებას იმსახურებდა სასახლის ინტერიერი, მორთული ბერძნული ქანდაკებებით და კედლის მხატვრობით. ნერონის ბრძანებით, სასახლის შესამკობად მრავალი ძეგლი გადაიტანეს საბერძნეთიდან და მცირე აზიიდან (მოღწეულია სასახლის ნანგრევები). ნერონის არქიტექტურულ ინტერიერებს შექმირა რომის ძეგლი უპნები, რათა მათ ნანგრევებზე

მისი ოცნების ქალაქი აგებულიყო, მაგრამ ამ მიზნის განხორციელებას მსხვერპლად შეწირა უამრავი უდანაშაულო ადამიანის სიცოცხლე. საყურადღებოა ის ფაქტი, რომ I საუკუნეში განსხვავებული რწმენის ადამიანები არ იდევნებოდნენ. ნერონის დროს რომში მრავლად ცხოვრობდნენ იუდაიზმის მიმღევრები (თვით იმპერატორის მეუღლე პოპეია საბინა იუდეველი იყო), მაგრამ შევიწროებას არ განიცდიდნენ. ახლად წარმოქმნილი ქრისტიანობის მიმართ გამოვლენილ სისასტიკეში სხვა მიზეზებია საძიებელი.

განდიდების მანიოთ შეპყრობილი ნერონის აპოგეას წარმოადგენდა ერთწლიანი ტურნე საბერძნეთში, რომელსაც უნდა დაემტკიცებინა, რომ ნერონი იყო უდიდესი მსახიობი, მომღერალი და სპორტსმენი. ხანგრძლივი მოგზაურობა (66-67 წლებში) დაიწყო მრავალრიცხოვანი ამაღლის თანხლებით (ცალკე უნდა აღინიშნოს ხუთი ათასი ტაშის დამკვრული).

საუკუნეთა განმავლობაში დაკანონებული საერთო ელინური თამაშები ერთმანეთს არ ემთხვეოდა. ნერონის საპატიოცემულოდ მოხდა მათი გადაადგილება და დროის მოკლე მონაკვეთში ჩატარება, რომ იმპერატორს საშუალება მისცემოდა ყველა სახეობაში მიეღო მონაწილეობა. საერთო ელინური თამაშები — ოლიმპიური, პითიური, ისთმური, ნემეური და დიონისიები, თანმიმდევრობით დანიშნეს, ოლიმპიადების პროგრამაში ნერონის სურვილის დასაკმაყოფილებლად დაუშვეს მუსიკალური შეჯიბრიც. იმპერატორმა მონაწილეობა მიიღო ყველა სპორტულ შეჯიბრში და გამარჯვებაც მას მიაკუთვნეს. მოხდა კურიოზიც. ოლიმპიაში ასპარეზობისას ეტლიდან გადმოგარდა და შეჯიბრი ვერ გააგრძელა. ამის მიუხედავად გამარჯვება მაინც მას მიაკუთვნეს, რის სანაცვლოდაც მსაჯებმა საჩუქრად მიიღეს ერთი მილიონი სესტერციუმი.

ტურნემ დაადასტურა, რომ ნერონი იყო პირველი სპორტსმენი, მაგრამ მის მთავარ სიამაყეს მუსიკალურ და თეატრალურ კონკურსებში მოპოვებული ტაში წარმოადგენდა. ბერძნთა ოვაციებმა იგი საბოლოოდ დაარწმუნა, რომ იყო შეუდარებელი არტისტი, მომღერალი და კითარისტი.

საერთო ელინური დღესასწური და გარდა ნერონი გამოიდიოდა ცალკული ქალაქების ნაკლებ მნიშვნელოვან ზეიმებშიც. სადაც კი ფქი დადგა, ყველა გვირგვინი მას მიაკუთვნეს, რამაც განაპირობა ჯილდოთა რაოდენობის გაზრდა (წყაროებში დასახელებულია ათასობის გაყვანა შეწყვეტილი).

საბერძნეთში ნერონი შეუდგა კორინთოს ყელზე არხის გაჭრას, რათა პელოპონესის ნახევარკუნძული კუნძულად ექცია და ეწოდებინა მისთვის ნერონონესოს — ნერონის კუნძული. სამუშაოები საზეიმო ვითარებაში დაიწყო, მაგრამ მისი გარდაცვალების შემდეგ არხის გაყვანა შეწყვდა.

მოგზაურობამ აამაღლა ნერონის ელინოფილობა. მის ამაღლებულ განწყობაზე მომნუსხველად მოქმედებდა საზეიმო შეხვედრები. მასპინძელთა

გამოვლენილი ყურადღება შესაფერისად დაფასდა. ნერონმა გადასახადები-საგან საბერძნეთის გათავისუფლება ოფიციალურად გამოაცხადა.

იმპერატორმა ტრიუფმით შემოიარა საბერძნეთი. მან მიიღო, რასაც ელოდა. ელინებმა მისი არტისტული ტალანტი აღიარეს და იგი, თითქოს დიდი ომი მოვგოს, გამარჯვებული დაბრუნდა იტალიაში.

ნერონის სადამსჯელო სისტემა, საბერძნეთში თავბრუდამხვევი ზეი-მის დროსაც ჩვეული სისასტიკით გრძელდებოდა. ბევრი თვალსაჩინო პიროვნება იმპერატორის მუზებთან მიახლოებისა და გამიჯნურების დროს გამოესალმა წუთისოფელს. ელადაში პპოვა განსასვენებელი სახელოვანმა სარდალმა დომიციუს კორბულონმა. ლეგიონების საყვარელ მხედართმ-თავარში ნერონი საშიშ კონკურენტს ხედავდა და ეს გახდა მისი დასჯის მიზანზი. კორბულონის დაღუპვა დიდი დანაკლისი იყო რომაული სახელმ-წიფოსათვის.

ტაში და ოვაციები აზანზარებდა რომს. პარალელურად უწყვეტ ნაკა-დად იღვრებოდა სისხლი. იმპერატორის ხელისუფლება მხოლოდ ძალას ემყარებოდა. ნერონის შიში არ იყო საფუძველს მოკლებული. რომაელმა არისტოკრატებმა რამდენჯერმე სცადეს ბოროტ სულად გადაქცეული ნერონის დამხობა. 65 წელს შეთქმულთა დიდმა ჯგუფმა შეადგინა გეგმა, რომლის თანახმადაც, ამფითეატრში ნერონიების (ნერონს დაწესებული ჰქონდა თავისი სახელობის თამაშები) დროს მოეკლათ ნერონი და იმპერა-ტორად დაესვათ სხვა პიროვნება. შეთქმულება მარცხით დამთავრდა. იმ-პერატორის სასამართლომ ბევრ მაღალი თანამდებობის პირს გამოუტანა სასიკვდილო განაჩენი. ბრალი დასდეს სენეკასაც, იგი აიძულეს, სიცოცხ-ლე თვითმკვლელობით დაემთავრებინა. შეთქმულებას ადგილი ჰქონდა 66 წელსაც.

რომის იმპერიის საგარეო და საშინაო პოლიტიკა სერიოზულ კრიზისს განიცდიდა. ბურისა და სენეკას ასპარეზზიდან წასვლის შემდეგ იმპერა-ტორის გარემოცვაში ადგილები გადაინაწილეს მედროვე, მლიქენელმა ლიბერტინებმა, რომლებიც კარგად ასრულებდნენ სადამსჯელო ოპ-ერაციებს, მაგრამ სრულიად უუნარონი აღმოჩნდნენ დიდი სახელმწიფო პოლიტიკის წარმართვაში. სისხლიანმა დესპოტიამ რომი მოაზროვნე ადა-მიანებისაგან გაწმინდა და არენა გაუთავისუფლა იაფთასიან მედროვეებს, რომელთა ნიჭი მიმართული იყო ბოროტებისაკენ. ნერონის ეპოქის შეზ-ღუდული აზროვნებით, იმპერიის ძლიერების საფუძველი იყო შიში და ქვეშევრდომთა მონური მორჩილება. სახელმწიფო პოლიტიკის გონივრუ-ლად წარმმართველი არ ჩანდა. იმპერატორი ორიენტირებული იყო ტაშსა და ოვაციებზე. ინტრიგებში გამოწროთობილი ლიბერტინები შესანიშნავად გრძნობდნენ ნერონის სუსტ მხარეს და ცდილობდნენ მის გადაფარგას ფან-ტასტიკური ზღაპრებით. მათ წრეში გავრცელდა აზრი იმის შესახებ, რომ

ლეგენდარული ალექსანდრე მაკედონელის სახით რომაელებს ჰყავდათ რეალური ნერონი, რომელსაც შესწევდა ძალა ჩაედინა უფრო დიდი გმირობა. გონიერი იმპერატორის შემთხვევაში, რომს შეეძლო ალექსანდრე დიდის ლაშქრობის გამეორება, ჰყავდა უზარმაზარი არმია და გამოცდილი და ღირსეული სარდლები (საკმარისია დავასახელოთ დომიციუს კორბულონი და ფლავიუს ვესპასიანე). გეგმა არ იყო მოწყვეტილი რეალობას, მაგრამ სახელმწიფოს სათავეში ედგა პიროვნება, რომლის სივისაც ცხოვრების მთავარ იდეას ამჟითეატრის ბატალიები შეადგენდა. მითები იქმნებოდა არა სერიოზული განსჯისათვის, არამედ ნერონის საამებლად.

ნერონის გარემოცვა იმპერიის შერყეული აუტორიტეტის აღდგენას მლევამოსილ ომში ხედავდა. გამოკვეთილი იყო ორი მიმართულება: აღმოსავლეთი და დასავლეთი.

ნერონის ზეიმების პარალელურად რომს თავდაცვითი ბრძოლების წარმოება უხდებოდა. გართულდა სიტუაცია აღმოსავლეთში. პართიამ განაახლა საომარი მოქმედება სომხეთში. რომის ლეგიონები წარმატებით ებრძოდნენ პართებს (კორბულონის სარდლობით), მაგრამ ხელისუფლების მხრიდან სრული უყურადღებობის გამო იძულებული გახდნენ, უკან დაეხიათ. 63 წელს რომმა აღიარა სომხეთში პართიის მეფის ვოლოგეზის მმის, ტირიდატის გამეფება. ფაქტი როგორიცაა ლურად გაფორმდა 66 წელს, რომში ტირიდატის ვიზიტის დროს.

როდესაც ნერონი ელინების წინაშე პოზიორობდა, იუდეაში დაიწყო დიდი ანტირომაული აჯანყება (66-73 წლები). იმპერატორის ერთადერთი სწორი მოქმედება იყო მთავარსარდლად ტიტუს ფლავიუს ვესპასიანეს (69-79 წლებში რომის იმპერატორი) დანიშვნა. ებრაელებმა საოცარი თავ-განწირვა და ბრძოლისუნარიანობა გამოავლინეს, მაგრამ დამარცხდნენ. იერუსალიმი, სისხლისაგან დაცლილი და ნანგრევებად ქცეული, დანებდა ვესპასიანეს ძეს ტიტუსს (იუდეის გმირული ომი აღწერილი აქვს მის მონაწილეს, რომაელთა მხარეზე გადასულ იოსებ ბენ მატაფიას, რომელიც ანტიკურ მწერლობაში იოსებ ფლავიუსის სახელითაა ცნობილი).

რომში გრძელდებოდა რეპრესიები, სასამართლო პროცესები, კონფისკაციები. საღმა აზრმა საერთოდ დატოვა საიმპერატორო კარი. ნერონი აგრძელებდა თავის უწესო ცხოვრებას. გრძნობდნენ კატასტროფის მოახლოებას, მაგრამ მხსნელი არ ჩანდა, პროვინციებში იზრდებოდა მღელ-გარების ტალღა. უქმაყოფილო ლეგიონები აჯანყების ზღვარზე იდგნენ. საერთო რომაულ განწყობას ბიძგი მისცა გალიის იმპერატორმა გაიუს იულიუს ვინდექსმა. 68 წლის იანვარში ვინდექსმა იარაღი აღმართა არსებული რეჟიმის წინააღმდეგ და გამოაქვეყნა მოწყობებების ვრცელი ჩამონათვალი. მრავალ მოთხოვნათა შორის ხაზგასმული იყო ნერონის სიგიჟენი და არა სახელმწიფოებრივი გადაწყვეტილებანი.

ვინდექსის აჯანყებას ნერონი მშვიდად შეხვდა. მისი რეაქცია იმით გამოიხატა, რომ სენატს უბრძანა გადაეყენებინა თანამდებობიდან აჯანყებული პროპრეტორი. მისი გულისწყრომა გამოიწვია ვინდექსის არაკორექტულობამ, რომელიც მას მოიხსენიებდა არა ნერონის, არამედ დომიციუს აგენტარბის სახელით. განსაკუთრებით აღაშფოთ მოწოდების იმ ადგილმა, სადაც ვინდექსი ნერონს კითარის ცუდ დამკვრელს უწოდებდა.

ვინდექსის წინააღმდეგ გაერთიანდნენ ევროპული პროვინციების პროკონსულები და პროპრეტორები. გაერთიანებულ ძალებს სათავეში ჩაუდგა გერმანიის გამგებელი ვერგინიუს რუფუსი. გაიმართა ბრძოლა, რომელშიც ვინდექსი დამარცხდა (გადმოცემით, დამარცხებულმა ვინდექსმა თავი მოიკლა). რომის საიმპერატორო ხელისუფლება იმდენად იყო მოშლილი, რომ მის დამორჩილებას აზრი არ ჰქონდა. ამიტომ დასავლეთის გამგებლებმა წინადაღებით მიმართუს ვერგინიუს, გაეგრძელებინა ბრძოლა და ხელში აეღო იმპერიის მმართველობა. რუფუსმა წინადაღებაზე უარი განაცხადა თავისი წარმომავლობის გამო (არ ეკუთვნოდა ძველ არისტოკრატიულ გვარს). მაშინ ევროპის გამგებლებმა არჩევანი შეაჩერეს მახლობელი ესპანეთის პროკონსულ სულპიციუს გალბაზე. 73 წლის გალბამ წინადაღება მიიღო და ევროპის გამგებელთა ერთსულოვანი შხარდაჭერით დაიძრა რომის მიმართულებით (სულპიციუს გალბა რამდენიმე თვე, 68 წლის ივნისიდან 69 წლის იანვრამდე, ითვლებოდა იმერატორად).

ნერონმა კრიტიკულ სიტუაციაში ვერ განსაზღვრა, რა იყო მთავარი და რა მეორეხარისხოვანი. გადმოცემის თანახმად, ნერონმა, როცა გალბას აჯანყებულთა მხარეზე გადასვლა გაიგო, გული წუუვიდა, მაგრამ გამოკეთებისთანავე თუატრს მიაშურა. თუატრში მისულმა დაინახა, რომ მაყურებლები რომელიდაც მსახიობს ტაშით აჯილდოებდნენ. ნერონი განაწყენდა და უსინდისო საქციელისთვის მსახიობს უსაყველურა, რომელმაც თითქოს იმით ისარგებლა, რომ იმპერატორი დაკავებული იყო. ამ თითქოს უბრალო ეპიზოდის გათვალისწინებით ნათელი ხდება, რომ ნერონი დიდი პოლიტიკისათვის არ იყო დაბადებული. ნაცვლად იმისა, რომ მოახლოებულ საშიშროებაზე ეფიქრა, ფიქრობდა თუატრზე და უცნობი მსახიობის ტაშით დაჯილდოება შეშურდა.

ვინდექსის აჯანყების დროს ნერონი ნეაპოლში იმყოფებოდა. რომში მოგვიანებით დაბრუნდა, მაგრამ მდგომარეობის მოწესრიგების თვალსაზრისით გონიერული ნაბიჯი არ გადაუდგამს. ყოველი მხრიდან საგანგებო ხმები მოდიოდა. მკვლელობისა და უზნეობის დიდოსტატ იმპერატორს არმია არ იცნობდა. ამიტომ ლეგიონები უყოფმანოდ გადადიოდნენ აჯანყებულთა მხარეზე. ერთადერთ იმედად რჩებოდა პრეტორიანული გვარდია, მაგრამ ნებისმიერი ლეგიონის წინააღმდეგ მის გამოყვანას აზრი არ ჰქონდა.

68 წლის ივნისის დასაწყისში რომში მდგომი არმიის ნაწილები აჯანყე-

ბას შეუერთდნენ. პრეტორიანელებმა უარი თქვეს იმპერატორის დაცვაზე. პრეფექტმა ნიმფიდიუს საბინმა წერონი დაარწმუნა, რომ უსაფრთხოები-სათვის უმჯობესი იყო რომის დატოვება.

ნერონი განსჯის უნარით არასდროს გამოირჩეოდა, მაგრამ მოახლოებულმა საფრთხემ სულ დაუბნელა გონება. დიდხანს არ უფიქრია, რა გზას დადგომოდა. მისი აზრით, ყველაზე ერთგული პროვინცია იყო უგვიპტე და გადაწყვიტა იქ შეეფარებინა თავი. ბრძანება მიეცათ სანდო პირებს, შეკრებილიყვნენ ოსტიაში, საიდანაც გზას აღექსანდრიამდე გე-მით გააგრძელებდნენ.

ნერონმა დატოვა სასახლე და გაეშურა დათქმული ადგილისაკენ, თან მცირე ამალა ახლდა. მგზავრებს დააღამდათ და დამის გასთევად შეჩერდნენ. დილით აღმოჩნდა, რომ პრეტორიანელებსა და სხვა შხლებლებს მიეტოვებინა, მხოლოდ ოთხი მსახური და სპორი დარჩენილიყო. უიმე-დო მდგომარეობაში ჩაგარდნილებს ლიბერტინიმა ფაონმა შესთავაზა, მის მამულში დამალულიყვნენ. ნერონი შეინიღბა, რომ ვინმეს არ ეცნო. ცხ-ენებით მგზავრობაც სახიფათო იყო და ფეხით გააგრძელეს გზა. ამ დროს მათთვის ცნობილი გახდა სენატის დადგენილება, რომელიც ნერონს სამ-შობლოს მტრად და ძებნილად აცხადებდა. გრძნობდნენ, რომ მდევრები კვალს ადგნენ და ყოველ წუთს შესაძლებელი იყო აღყაში მოქცევა. ნერონს ზიბლავდა ტრაგიკული როლების შესრულება და განგებამაც შესაფერისი ბედი არგუნა. უკანასკნელი როლიც შესანიშნავად შეასრულა. როდესაც დაინახა, რომ მდევრები უახლოვდებოდნენ, იმპერიის მრისხანე მბრძანე-ბელმა საკუთარ სიცოცხლეს განაჩენი გამოუტანა. აიღო მახვილი, მა-გრამ დამოუკიდებლად გამოყენება ვერ შეძლო და მსახურის დახმარებით გაიყარა ყელში. 68 წლის 9 ივნისს იმპერატორი სპორისა და რამდენიმე მსახურის თანდასწრებით გამოეთხოვა წუთისოფელს. მისი უკანასკნელი სიტყვები იყო, „რა დიდი მსახიობი კვდება“. როდესაც მდევრები დაადგნენ თავზე, იგი ჯერ კიდევ სუნთქვადა.

ნერონის სიკვდილით დამთავრდა იულიუს-კლავდიუსების დინასტია. მკვლელი და არტისტი იმპერატორი ისტორიაში ანტიქისტეს სახ-ელით შევიდა.